


醫國便續集

中

			一	漢
			二	書
			四	門
		一	九	
		一	七	
六	一	九	七	
册	架	函	號	類

庫文閣内			
三〇	一	三	漢
函	二	四	書
一	六	九	
五	七	七	
架	册	號	類

内閣文庫			
番號	漢	12497	
册數	6 (4)		
函號	301	77	



醫便續集卷二

瘧

皆由饑飽勞逸七情所傷兼外感風寒致脾胃不和蓋脾

主濕濕動生痰痰積於中遂成斯疾所謂無痰不成瘧也

一日一發者受病一月邪在太陽經間日一發者受病半

年邪入少陽經皆易治三日一發者受病一年邪入三陰

經名瘧也老瘧瘧難治久而不愈必成癆又有暑瘧經曰夏

傷於暑秋必病瘧蓋暑熱當汗解汗鬱不解則成痰弱者

即病胃氣強者伏而未動至於再感復因內傷其病乃作

丹溪曰無汗要有汗散邪為主帶補有汗要無汗扶正氣

為主帶散

清脾飲

柴胡 黃芩 半夏 甘草 茯苓 白朮 厚朴

青皮 草果 薑 棗 食加檳榔山查 無汗加

葛根蒼朮 虛加人參

人參養胃湯 治瘧寒多熱少 寒多加附子

平胃二陳加青皮草果藿香砂仁 無汗加葛根柴胡

治暑瘧 人參白虎湯合香茹飲加柴胡黃芩半夏

四獸飲 治虛瘧 六君子湯加草果烏梅生薑大棗

治疫瘧 補中益氣湯加青皮草果何首烏

瘧後調理脾胃前方加半夏芍藥黃芩薑棗

截瘧飲 水煎露一宿發日五更面東冷服

陳皮 厚朴 常山 檳榔 草果 青皮

知母 鹽水炒 甘草 烏梅 一个

婦人虛瘧 小柴胡合四物湯

夏秋時行瘧疾

柴胡 薄荷 防風 黃芩 黃連 甘草

天花粉 六劑愈後加芍藥知母去薄荷柴胡

青蒿飲 治老瘧邪氣深入於裏

青蒿 錢五 何首烏 錢五 青皮 錢二 甘草 分五 鱉甲 錢二 水煎服

治陰虛瘧久不愈

人參兩一 白朮錢二 茯苓錢一 陳皮錢一 甘草五分 半夏五分 一錢

何首烏兩一 升麻兩一 黃耆錢各五 附子錢二 水煎服

何首烏丸 治三日瘧方見後

三陰瘧久不愈者空心酒服鹿角膠屢有奇効。但陰虛火旺者未知可槩服否服法須以一錢起每三日加五分遞加至三錢止恐驟用多用反易動火也

霍亂

丹溪曰內有所傷飲食停積也 外有所感風寒暑氣所干也 陽不升陰

不降乖隔而為上吐下利也輕則吐瀉轉筋重則腹中絞痛遍身轉筋手足厥冷不吐不瀉謂之乾霍亂絞腸沙宜鹽湯飲之探吐雖自吐再宜吐夏月鹽水亦可切勿與穀食雖米湯飲之立死必待吐瀉久饑甚方食稀粥

治絞腸沙

用食鹽置刀頭燒紅淬入水中乘熱飲之吐痰而愈

回生散

陳皮 藿香 生薑 水煎服

藿香正氣散方見前

渴欲飲水加五苓散

轉筋加木瓜

內寒不欲飲水生薑理中湯或合正氣散

治夾暑傷

食吐瀉用二陳平胃合香茹飲加白朮山查神麴藿香

生薑砂仁

泄瀉

益泄

糞出少而勢緩者為瀉

瀉

糞大出而勢直下不阻者為瀉

屬濕皆飲食不節脾

胃虛弱不能制水濕而成也若脾虛而瀉者完穀不化補

脾胃為主參苓白朮散水瀉為濕腹不痛滲濕為主胃

苓湯白朮芍藥湯熱瀉瀉如湯火腸鳴腹痛痛一陣瀉

一陣宜清利為主四苓散加滑石山梔黃芩食積瀉腹

痛甚而瀉瀉後痛減宜消導為主木香檳榔丸痰瀉或

瀉或止或多或少宜清痰為主化痰丸寒瀉者瀉不腥

穢水液澄徹清冷小便清白不澁身冷不渴宜溫補為主

理中湯暑瀉者夏月中傷暑熱身熱煩渴瀉出深黃色

宜清暑為主、香菇飲六和湯

胃苓湯

平胃散合四苓散加木通 食加山查神麩腹痛加

青皮砂仁 久瀉加肉果芍藥 虛加人參 內熱加

黃連 小水不利加木通車前子 寒加肉桂 夾暑

合香菇飲

白朮散 治久瀉不止

白朮 芍藥 茯苓 甘草 肉果 水煎服

白朮芍藥湯 治脾濕水瀉

白朮 芍藥 各四錢 甘草 二錢 水煎服

治中湯 治瀉青色腹痛乃肝木乘脾

人參 白朮 芍藥 甘草 青皮 陳皮 蒼朮

升麻 柴胡 防風 茯苓 煨薑

久瀉虛寒加附子

二神丸 脾腎虛瀉

破故紙二兩 肉果一兩 生薑煑棗肉為丸如梧子大每

用一錢空心米湯下加回香一兩 木香五錢 各四神丸

砂土六一散 治瀉 方見後

六一散加生薑汁蒸餅丸治泄瀉嘔吐

異功散加藿香陳冬米神麩砂仁生薑大棗伏龍肝研細攪水澄清煎服 嘔吐蛔蟲用人參炮薑烏梅白朮黃連芍藥茯苓

安胃湯 治胃氣虛嘔吐惡心

藿香 人參 陳皮 丁香 生薑 煎服

又用理中湯加半夏生薑

治嘔不已

生薑一大塊薄切層層搽鹽於內用苧麻扎緊紙包濕煨熟取薑搗爛和黃米飲吞下

痢

此症多由脾胃不和飲食不節積滯腸胃濕蒸熱穢留鬱日深復感暑濕酷烈之毒蒸發蓄積而作經曰無積不成痢赤者濕熱傷血分白者傷氣分赤白相雜氣血俱傷黃者食積也治法瀉腸胃之濕熱開鬱結之氣消化積滯如初得一二日間元氣未虛者必推蕩之承氣湯朴黃丸順下丸下後未愈隨症調之痢久者不可下年老人不可下胃虛故也亦有虛與寒者虛宜補寒宜溫

加減芍藥湯 黃連 黃芩 芍藥 甘草 厚朴 木香 當歸

腹痛加砂仁 食積加山查麥芽枳實 後重加枳殼檳榔 白積加白朮茯苓陳皮 紅積加芎歸桃仁 赤白積加歸芎蒼朮陳皮 夏月火熱痢用黃芩黃連芍藥甘草防風兼外感加柴胡腹痛加山查砂仁血痢加生地黃 暑痢加香茹飲 挾濕熱而痢如豆汁者加五苓散 又痢久胃弱用歸芍小異功散加香連痢久而後重不去大腸墜下去檳榔枳殼加升麻 噤口痢胃熱也用倉連丸又人參黃連煎緩呷之得一呷下咽便好又用經霜黃瓜藤葉燒灰存性同田螺肉搗盒臍中引下其熱如服藥不效用硫黃五錢乳香三錢

酒煎令病人急嗅其氣 發能用人參白朮煎湯下益元散或用乳香為末捲紙條煙熏鼻中 嘔甚用六君子湯加芍藥黃連生薑 小便赤澁加滑石車前山梔子 瘡後變痢從虛治用香連砂仁條黃芩陳皮當歸白朮芍藥甘草 脫肛用荆芥香附五倍蛇牀子濃煎湯熱洗又用赤石脂鼈頭灰為末鋪放芭蕉葉上托進 痢後餘積不盡用加味香連丸 有疫痢傳染宜明運氣勝伏而治 脉洪大下純血塵腐色如屋漏水身大熱唇赤燥大孔如

筒噤口五虛全不食俱不治色如魚腦髓者半死半生

萬愈丸 治痢初起無不神効

大黃

綿紋者十斤洗淨剉置砂鍋內用好酒浸滿桑柴微火煮一日夜酒乾即添常用竹棒攪勻勿

使焦底成膏為度

紫厚朴

四斤薑汁炒為末色紫質厚一拍即碎斷處極光無

約用酒貳拾伍斤

毛者是紫朴紫朴性潤難磨炒燥

白木香

一斤不見火剉碎晒

末 燥為

先將製過大黃搗極爛次以二末入大黃內杵千餘下

為小丸晒乾用每服二錢紅多淡薑湯白多濃薑湯空

心送下候瀉三四次積止糞來即以冷粥湯止之如不

瀉再用薑湯催一二次孕婦不服合時忌婦人鷄犬宜

靜室焚香製造子每合以濟人藥到即愈真神劑也

此內府原方也朴黃丸與此同但多加檳榔一觔試之亦效然終不如原方之神

倉連丸 治噤口痢

赤痢用陳倉米

三錢黃連

七錢薑汁炒

白痢用黃連

七錢赤白相半用黃連倉米

各五錢

煎露一宿空心溫服

草靈丹 治赤白痢疾按此藥氣味寒涼去腸胃中濕熱

之積初起者用之如神

鳳尾草

八兩生溫台州者佳連根用

龍鳳藤

四兩生溫州者佳

金星草

三兩

狀如鴨脚者

車前草

右四草俱五月內收取陰乾俱剉和勻用山查厚朴青

皮生薑 各一兩 水三碗煎一碗去查將汁拌前四草晒
乾再拌再晒汁盡為度晒極乾磁罐收貯 如赤痢加
黃芩黃連當歸芍藥木香 如白痢加白朮茯苓陳皮
甘草木香 如腹痛加芍藥當歸砂仁木香 食積加
山查厚朴青皮蓬朮挾暑加香茹飲 裏急後重加枳
殼檳榔 小便數加木通滑石澤瀉 挾外感加柴胡
防風血痢加生地赤芍藥阿膠側柏葉黃連黑薑 胃
弱加小異功散 下如豆汁加四苓散 若痢久而後
重不去加條芩升麻 痢久而脾胃虛者用香連歸芍
小異功散不宜用草藥 噤口痢用前倉連丸

每服用制過草藥五錢加入隨症所用藥水一碗半浸
少刻攪勻煎四五滾約六七分去查溫服查再煎

香連丸 治一切瀉利

木香 一兩 黃連 二兩 肉果 七個

右為末取雞子清攪和作餅以文火炙黃色變紅研為
末麵糊如梧子大每用五十九空米湯下

消渴

消渴之病、皆由飲食炙煇肥甘鹹厚、酒色過度、或醉飽行房、腎水枯竭、心火燔熾、三焦猛烈、臟腑燥熱、由是而渴生焉。然消渴有三症：曰上消、中消、下消。蓋上消者肺也，心移熱於肺，多飲水，少食，小便澀少，面赤煩躁，舌上赤裂，宜人參白虎湯。清金降火爲主。中消者胃也，多飲食而小便黃赤，自汗而大便燥堅，渴而不煩，蓋足陽明胃主血熱則消穀善饑，火旺於中，則津液消爍而渴矣。先宜調胃承氣湯。三黃丸。又腎氣丸。下消者腎也，火甚於下，腎水乾枯，煩渴引飲，耳輪乾焦，小便淋濁如膏，宜六味地黃丸、清心蓮子

飲 張潔古分而治之能食而渴者加味白虎湯不能食而渴者加味白朮散上中既平不復傳下消矣

人參白虎湯 治上消降火清金

石膏 二錢半 人參 七分 知母 升麻 黃柏 各一錢 甘草 五分

粳米 一撮 水煎食後服

三黃丸 治中消

黃芩 黃連 大黃 石膏 各一兩

右為末蜜丸梧子大每服三十九丸米湯送下

兔絲丸 治下消

兔絲子 五兩 五味子 五錢 白茯苓 熟地黄 蓮肉 各一兩半

山查肉 三兩

右為末酒糊丸梧子大每用七十九丸空心酒下

硃砂丸 治心虛蘊熱消渴

硃砂 五錢 黃連末 一兩 生地末 一兩五錢

蜜丸棗豆大每用五十九丸燈心湯下

人乳膏 治消渴

黃連末 天花粉 各一兩 人乳汁 生地汁 藕汁 各一

碗 薑汁 一小盞 熬成膏百沸湯下

加味白朮散 治不食而消

人參 白朮 茯苓 甘草 木香 黃柏 知母

各五分 乾葛錢一 五味子粒十 水煎服

麥門冬湯 治消渴

知母 天花粉 麥門冬 人參 炙甘草 生地

葛根 茯苓 淡竹葉 水煎服

參芪湯 治下消

人參 桔梗各五分 黃芪 茯苓 當歸 芍藥

天花粉錢各一 五味子粒九 甘草分三 烏梅個一

清心蓮子飲 治腎消小便淋濁

石蓮子七個 赤茯苓 麥門冬 車前子 黃芩各一錢

人參分五 黃芪分七 地骨皮分八 甘草分三 加燈心薑煎服

如渴甚加知母五味天花粉 小便多除車前子加益

智仁 小便澀加滑石 大便澀加大黃枳殼

丹溪謂三消多屬血虛不能生津液。俱宜四物湯為主。上

消者本方加人參麥門五味天花煎入藕汁生地汁人

乳汁飲酒人加葛根中消者本方加知母石膏滑石以

制胃火下消者本方加知母黃柏熟地五味以滋腎水

加味腎氣丸 治腎消渴甚溺清長而味甘

六味地黃丸加五味肉桂益智仁鹿角膠

怔忡驚悸

附不寐顛狂

怔

心動不安
驚懼之貌

忡

憂也

驚

恐怖之意

悸

心築然

皆由憂愁思慮則傷

心

心主血，血虛則神不定。而怔忡驚悸之病作矣。宜安神

丸，定志丸。有怒氣傷於肝，肝藏血，肝傷則損血。血少則心

無所養而前症作。宜理心脾，養血安神為主。又有膏粱之

人，過食厚味，鬱積痰飲於胸膈，俾清氣不得升發者，宜温

膽湯導痰開鬱為主。有因事失志，或遇怪異危險聲響，惕

惕不安者，宜歸脾湯，瘦人血少，用四物湯下安神丸。肥人

多痰，用温膽湯下安神丸。去歸地血虛之脉，浮濇濡弱，痰鬱

之脉，緊細而沈，血虛則補養痰鬱則疏利。治方詳之。

開鬱散 治痰鬱怔忡

二陳湯加川芎香附枳殼蒼朮連翹木通腹皮

安神丸 治血虛怔忡驚悸 一方無歸地

黃連 六錢 硃砂 四錢 生地 歸身 甘草 各二錢

右為末湯浸蒸餅丸如黍米大每服十五丸食後津下

定志丸 治心虛怔忡驚悸

人參 一兩 茯苓 遠志 石菖蒲 麥門冬 茯神 各七錢

牛黃 一錢

右為末蜜丸梧子大硃砂為衣每服二三丸食後白

湯下

溫膽湯 治心膽怯怔忡易驚

二陳湯加枳實竹茹水煎服

導痰湯 治痰鬱怔忡

二陳湯加麥門枳殼人參桔梗竹茹黃連山梔薑煎

治憂愁思慮傷心驚悸

歸身 遠志 生地 茯神 各五錢 石菖蒲 黃連 各二錢

牛黃 一錢 硃砂 二錢 金箔 十五片

右前六味為末入牛黃硃砂和勻用猪心血丸如黍米

大金箔為衣每服五十九空心白湯下

治憂思過度氣血虛損

八物湯加麥門五味遠志酸棗仁煎服
茯神散 治驚悸心疼

茯神 遠志 人參 酸棗仁 黃芪 通草

桔梗 甘草 麥門冬 薑 水煎服

歸脾湯 治思慮過度勞傷心脾怔忡

白朮 茯神 黃芪 酸棗仁 龍眼肉 人參

木香 各五分 甘草 炙二分 薑 棗 水煎服

附 不寐

老人氣血衰、肌肉不滑、榮衛之道澁而不寐者、宜八物湯加酸棗仁、遠志、麥門、五味、有胃氣不和、不寐、內經曰、胃不

和則臥不安、用六君子湯加當歸、棗仁、有思慮過度、傷脾不寐者、用歸脾湯、有心血不足、驚悸不寐者、用安神丸、有痰流膽經不寐者、宜溫膽湯加棗仁、或導痰湯加山梔、有內傷外感邪熱在內不寐者、宜辨症治之、有曲運神機、則傷心血而不寐者、宜安神丸、犀角地黃湯、有不得志而憂愁不臥者、虛則補中益氣、實則導赤散、又養靜為上、否則藥不效矣。

顛狂

內經曰、陽明厥則顛狂、腹滿不臥、面赤身熱、妄言妄見、甚則棄衣而走、登高而歌、踰垣上屋、罵詈不避親疎、蓋得之

於陽氣太盛、胃與大腸實熱燥火鬱結於中而爲之也。又曰：顛爲心血不足、狂爲痰火實盛、多爲求望高遠、不得志者所致。治法：顛宜安神養血、狂宜利下。大槩皆是熱痰結于心胸。治宜開痰鎮心神爲主。又曰：初病宜瀉其實、久病宜安其神。亦有中邪者、皆由氣血不固、邪因而入。以治邪法療之。經曰：脈沈小急實者不治、脈大虛滑者自己。若神脫目瞪如愚癡者、不治。甚則有紅筋紋在頂上者、可刺出惡血爲妙。

或問顛狂之病、何由而得。曰：有因心血不足、神無所依而癡者。治以安神養血爲主。有因六淫所感、邪火盛實、痰迷

心竅而癡狂者、與傷寒發狂者同。吐之亦可、利之亦可。有因驚恐失心而病者、鎮心安神爲主。有因七情所傷、妄想不遂而癡者、非藥可療。必遂其志而愈。有因邪祟爲患而癡者、未有不因血氣先虧而致也。其脈乍疎乍數、乍大乍小、或便或結也。用秦承祖灸鬼法。

一室女年十八歲、患言語無倫、或笑或詈、時作時止。或謂邪祟、以治邪法療之不已。或謂心血不足、痰迷心竅、用鎮心安神養血開痰之劑。又吐痰利痰等藥、皆不效。勢必不起。余謂諸方不效、必邪火鬱結于心也。當擇壻配之、而或可愈。父母從之、擇壻成婚、陰陽交畢、卽睡臥週時、而前症

頓除 牛黃瀉心散 治心經邪熱狂言妄語心神不安

冰片 硃砂各一錢五分 大黃生晒一兩

右爲末和勻再研每用三錢生薑蜜水調下

靈苑方 治顛疾失心

辰砂兩一 酸棗仁 乳香各五錢

各研末和勻作一服溫酒調下以醉爲度便安置床枕
令臥待其自醒萬一驚寐不可復治此孫真人醫相國
寺僧全愈故傳於世也又本寺方加入參一兩 蜜丸如彈
子大每用一丸薄荷湯化下

苦參丸 治顛狂不避水火大叫欲殺人

苦參爲末蜜丸梧子大每用二十丸

治心血不足

用胎衣煮熟蘸辰砂末食之 又法用胎衣爲末飯爲

丸如小豆大辰砂爲衣每用二錢清米湯下

治心神不足神不守舍

二陳湯加入參黃連遠志棗仁麥門生地水煎吞安神

丸

痞滿

痞滿與脹滿不同。脹滿內脹而外亦形。痞則內覺痞悶而外無脹急之形也。皆由脾氣虛弱，氣血不運而成。心下填滿痞塞也。經曰：濁氣在上則生填脹。治用黃芩、黃連、枳實之苦以瀉之，厚朴、生薑、半夏之辛以散之，人參、白朮之甘溫以補之，茯苓、澤瀉之鹹淡以滲之，山查、麥芽、神麴以消之。有七情鬱結而心下痞滿，不思飲食者，宜木香化滯飲。有傷寒下早而作痞者，宜小陷胸湯。

- 川芎
- 當歸
- 枳殼
- 陳皮
- 木香
- 柴胡
- 甘草

草豆蔻 紅花 半夏 生薑三片 水煎服

治飲食過傷痞滿作痛

大黃四兩 三稜 蓬朮各七錢

先將大黃剉用醋浸慢火熬成膏入稜朮末攪勻丸如小豆大每用五十九空心白湯送下

灸結胸痞滿法

黃連一錢

同研作餅貼臍上用艾於餅上灸三五壯氣下行利下即溫養

腫脹

內經曰諸濕腫滿皆屬於脾又曰諸腹脹大皆屬於熱蓋脾虛不能制水水漬妄行滲透經絡故通身面目俱浮腫也皆因六淫七情飲食房勞以致脾陰受傷胃雖受納脾虛不能運化則濕鬱為熱濕熱相搏遂成腫脹治宜補脾養肺以制木滋腎以制火得肺金清肅水道通調下輸膀胱病自愈矣如濕熱侵淫而脾土尚壯先為疎導止補散得浮腫稍退再為調理脾肺

大橘皮湯

白朮 陳皮 茯苓 猪苓 澤瀉 檳榔 木香

木通 滑石 厚朴

上腫加防風下腫加防已米仁

香砂五皮散

木香 砂仁 蘿蔔子 枳殼 木通 猪苓

澤瀉 茯苓皮 桑白皮 大腹皮 陳皮

生薑皮 水煎服 熱加山梔子

滲濕湯 治濕熱腫溺數

生地黄 黃連 天花粉 芍藥 柴胡 木通

茯苓 知母 防風 稠椰子 水煎服

理中湯 治脾胃氣虛腫滿 氣虛不補邪何由退。

人參三錢 附子一錢 白朮二錢 茯苓一錢 陳皮五分 生地黄三錢

柴胡三錢 稠椰子三錢 水煎服

疎表飲 治風寒鬱於肌表而遍身浮腫

羌活 紫蘇 柴胡 薄荷 獨活 川芎 枳殼

陳皮 桔梗 水煎服汗出愈

貼臍法

輕粉二錢 巴豆肉四錢 硫黃一錢

同研成餅先以布一片鋪臍上次以藥餅掩外又用絹
縛定如行三五里泄下惡水待行三五次脫藥以溫粥
補之久患隔日取一次

消腫方

陳皮 青皮 砂仁 連翹 枳殼 桑皮 杏仁

甘遂 亭薤子 川椒目 大黃炒 黑牽牛半生半熟各五

錢胡椒錢一 木香錢二 木通錢七

右為淨末醋糊丸如梧子大第一服五更初用葱湯送下三錢以消上部腫第二服五更初用桑皮湯送下三錢以消中部腫第三服五更初用桑皮湯送下三錢以消下部腫服後又看何處不消仍以前法煎湯送下無不効也消後即用補實脾胃藥庶免再來忌油膩鹹酸生冷等物

治脾氣不實四肢浮腫小便赤澁氣急喘滿

赤茯苓 香附 桑皮 大腹皮 炮薑 澤瀉

陳皮 水煎服

疸

皆由濕熱鬱積於脾胃復為風濕所搏熱氣熏蒸而得才
皮膚面目爪甲小水俱黃如金色也治宜去濕利小便又
有傷風寒解散未盡亦能發黃如疸狀不可不辨

茵陳五苓散

五苓散加茵陳黃連山梔木香車前子

方見濕門

茯苓滲濕湯

四苓散加黃連防已茵陳青皮枳實水煎服

草藥方

仙人對坐草一把搗用草料酒藥白酒入瓶內夾煮一

時漸服之

黃腫皆由飲食所傷濕熱鬱積於脾胃則遍身俱黃腫也
用消腫丸先消積滯若脾虛怯力黃病宜補脾胃為主歸
芍六君子湯

綠礬平胃丸

蒼朮

厚朴

陳皮

青皮

各一兩半

香附

草果

各二兩

砂仁

一兩綠礬

生晒白色者三兩

右為末黃米糊丸如梧子大每用二錢空心米湯下
治傷寒陽症失下鬱積發黃

茵陳

山梔

木通

赤茯苓

大黃

猪苓

澤瀉

白朮

連翹

水煎服

凡黃腫人愛吃茶葉生米泥土等物若愛一味用一味

同使君子

二兩炒

檳榔南星

各一兩姜汁煮晒乾炒

為末蜜丸梧子

大空心沙糖湯送下五十九

胡椒七粒

薑煎服

腹痛

腹痛有寒、有熱、有食積、有蟲、有瘀血、隱隱而痛、痛無增減者寒也、理中湯、一陣一陣而痛、身熱面赤、熱也、四順清涼飲、痛甚欲大便利後痛減者、食積也、遇仙丹潤下丸、痛而小便不利、欲得辛熱湯、濕痰也、二陳合五苓散、時作時止、或作陣痛、嘔吐清水者、蟲也、宜安蟲散、痛有常處、不移動、手按不住者、瘀血也、消瘀飲、治傷食痛、平胃散加山查神麩青皮砂仁

安蟲散

二陳湯加烏梅檳榔黃連厚朴史君子川練子炮薑

治火痛

黃連 黃芩 芍藥 甘草 水煎服

消瘀飲

當歸 生地黃 芍藥 甘草 紅花 桃仁
玄胡索 水煎服 痛甚加大黃

治腹痛無藥處

用食鹽二錢白滾湯調一碗頓服吐痰痛止

腰痛

腎受病則腰滯而痛。未必不因房室過度。負重勞傷之所致也。痛之不已。伸屈不能。腎虛也。八味地黄丸。巨勝子丸。補腎丸。因挫閃而日輕。夜重者。瘀血也。宜當歸紅花蘇木柴胡青皮肉桂桃仁乳沒玄胡等。遇天陰則痛。濕也。用防風黃柏柴胡蒼朮白芷香附澤瀉等。由腎虛六淫乘虛而入痛者。宜六味地黄丸料為主。辨其所感而加之。或七情失志傷腎而痛。宜益陰腎氣丸。或負重所傷。氣血蓄滯。着而為痛。用當歸活血飲。有食積痰飲。流注作痛者。宜木香化滯湯。

當歸活血湯 治寒濕氣血凝滯腰痛

當歸 赤芍藥 白芷 威靈仙 肉桂 防風

羌活 秦艽 杜仲 水酒煎服

治腰痛

當歸 三錢 生地 七錢 杜仲 一錢五分 牛膝 一錢五分 木香 一錢

為末蜜丸梧子大鹽湯送下三錢

煨腎丸

杜仲 破故紙 等分 為末猪腰子 一个 作七片以椒鹽

醃去腥水拌藥末在內以荷葉包之更加濕紙二三重

慢火煨熟食之無灰酒下

木香化滯湯 治食積痰飲腰痛

木香 檳榔 橘紅 枳實 半夏 甘草 破故

治腎虛腰痛

大附子 川烏 南星 各二錢半 雄黃 硃砂 各一錢 丁香

樟腦 乾薑 吳茱萸 各一錢半

右為末用牛膠生薑搗汁半碗溶化調敷疼處

治腎虛腰痛

杜仲 牛膝 熟地黄 玄胡索 各五錢 當歸 七錢 防風

羌活 各三錢半 附子 一个童便制 肉桂 一錢半

右為末煉蜜丸如梧子大每用三錢空心淡鹽湯下

貼寒濕腰痛膏藥

葱汁一兩 桐油一兩 薑汁一兩 松香三兩 熬成膏貼之

脇痛

七情不遂則生鬱鬱久則生火壅遏經隧充塞清道而為是症宜抑肝為主用柴胡川芎香附黃連瓜蒌芍藥龍膽草青皮山梔砂仁 瘀血停留於肝歸於脇下而痛用青皮桃仁紅花川芎香附當歸柴胡便秘痛甚加大黃酒蒸

煎加黃芩山梔子

治臂痛不能屈伸

當歸 川芎 甘草 陳皮 防已 防風 秦艽 生地黃 威靈仙 紅花 薄桂 蒼朮 羌活

痰加南星半夏 水煎服

又丸藥方

苦參 羌活 防風 川芎 當歸 天麻 胡麻

何首烏 地膚子 秦艽 各一兩 乳香 沒藥 各五錢

薄荷

不為末蜜丸如小豆大空心好酒送下三錢更宜慎口
節慾又宜灸肩俞曲池無有不安者

血

皆因榮衛失調七情六氣相干致血逆亂變失血妄行大
抵血從上溢者為逆難治血從下流者為順易治上溢者
衄血哇血咳嗽血嚔血唾血也下流者便血溺血也
鼻衄血出於肺

生地黄 芍藥 當歸頭 知母 黃柏 黃芩

甘草 茅根

又用犀角地黄湯加山梔藕汁扁柏黃芩磨京墨三匙溫
服 又山梔白芷燒存性為末吹鼻內

若勞役內煩時或衄血用人參黃芪當歸芍藥麥門甘草

生地黄黃柏藕汁

吐血嘔血溢于胃

犀角地黄湯加山梔童便薑汁胃火加石膏有思慮傷脾不能統血歸經而吐血者用歸脾湯若暑氣攻心而嘔血用香茹飲加麥門生地茅根若怒氣傷肝則氣逆而不納血用川芎香附山梔等若吐血而精神疲憊用獨參湯吐紫血塊者用承氣湯下之吐血不止用生地黄茅根汁藕汁扁柏汁童便京墨磨下

咳嗽血出于肺

火鬱肺中治宜清肺降火開鬱清痰咳止而血亦止也

用川芎當歸甘草貝母桔梗桑皮杏仁生地前胡白膠
生火加知母黃柏 若嗽血痰多血少用貝母陳皮瓜
萎桔梗天麥二冬桑皮杏仁黃連地骨皮 若嗽血而
痰少血多用歸芍丹皮貝母杏仁茅根甘草山梔黃連
荆芥

唾血出於腎

隨唾而出亦有瘀血內積肺氣壅遏不能下降用二冬
知母貝母桔梗黃柏熟地乾薑 熱痰加瓜蒌黃連
唾血出於腎

生熟地黃連黃芩枸杞地骨皮柴胡天門冬芍藥甘草

黃芪 久不止用犀角地黄湯加阿膠扁柏蒲黃棕灰煎服

大便下血

內爲七情酒食所傷外爲風寒暑濕相干致氣血逆亂令人下血血清者是虛濁者濕熱鮮者屬火黑者熱極也大法風濕則祛之寒則溫之熱則清之停滯則疏滌之有毒解利之

腸風臟毒下血

因好食煎燂辛熱之物抑遏脾臟之間久而遂成膿毒注於大腸或爲痔疾

小便溺血

因房勞致傷精氣心腎氣結而熱陰虛火動而血妄行也若小便出血不痛者此心移熱於小腸故血從精竅中出也用四物湯加芩連山梔以瀉本經之火又小薊

湯 方見淋門

加減四物湯 治諸血

川芎 當歸 地黃 芍藥

胃火薰蒸吐血加山梔黃芩黃柏童便薑汁氣鬱加山梔香附青皮陰虛火動吐血加知母黃柏天麥二冬人參五味山藥炮薑脾胃氣虛加參芪白朮茯苓

藕汁飲 治諸血

生藕節汁生地汁大薊汁生蜜加薑汁少許每用二錢

玄霜膏 治吐血後虛嗽

生地 麥冬 扁栢葉 各四兩 欵冬花 紫苑 各二兩

蘿蔔汁 四兩 薑汁 一兩 梨汁 八兩 白糖霜 柿霜 各四兩

右爲末取白茯苓 八兩 用人乳三碗浸茯苓曬乾將前

藥末拌諸汁再加白蜜 四兩 置砂鍋內慢火熬成膏臥時

挑食噙化百沸湯調亦可

天門冬丸 治咳血

天冬 一兩 甘草 茯苓 杏仁 阿膠 貝母 各五錢

右爲末煉蜜丸如桐子大每服三錢白湯送下

麥門冬湯 治先見血後痰嗽

麥門冬 當歸 川芎 芍藥 生地 貝母

天花粉 山梔 牡丹皮 薑 片一煎服

知母地黃湯 治先咳嗽後見血

知母 貝母 瓜蒌仁 生地 天花粉 芍藥

山梔 麥門冬 薑 片一煎服

茜根散 治衄血 薑 片一煎服

茜根 側栢葉 阿膠 黃芩 生地 甘草

三黃湯 治熱結大腸下血

黃連 黃芩 山梔 大黃 薑片煎服

加味四物湯 治腸風下血

當歸 生地 芍藥 川芎 條芩 防風 荆芥

黃栢 桑皮 地榆 升麻 白芷 蒲黃炒

槐角子

又丸方

黃連四條 芩 地榆 枳殼 白芷 栢葉 荆芥

各一兩 槐花二兩 舊棕灰五錢 京墨灰三錢 甘草稍三錢

右為末好酒糊丸梧子大每服三錢空心白湯下

聚金丸 治大便血煩熱腹痛或酒毒下血

黃連四兩 一兩水浸一兩炒 條芩 防風各一兩 生用一兩炮

夏月加大黃一兩 為末麩糊丸空心白湯下三錢

苦參湯 治內痔下血

黃連炒 條芩炒 焦 大黃酒 蒸 荆芥炒 苦參 赤芍藥

枳殼 防風 水煎服

治糞後血積 謂脾虛不能攝血

人參 白朮 茯苓 陳皮 甘草 柴胡 升麻

黃連 水煎服

治房勞太過溺血

四物湯加牛膝山梔黃連薑煎服

連梅丸 治腸風下血亦治血痢

胡黃連炒 烏梅肉煨存性 伏龍肝各一兩

右為末濃茶調下三錢

臙連丸 治腸風下血方見後

[Faint bleed-through text from the reverse side of the page]

秘結

津液不潤。則大便燥結。皆因飲酒房勞。或恣飲酒漿過食辛熱。或六淫之火降下。以致火盛水涸。津液不生。傳道失常。漸成燥結。有虛秘熱秘。風結陰結。陽結。血少有皮約者。謂胃強脾弱。約束津液。不得四布。但輸膀胱。故小便數而大便難也。用脾約丸。欲便不能出者。膽導之。或蜜導瓜導。脾約丸此惟實者可暫用。虛秘者須養血。健脾益脾得血而能運也。

麻仁一兩 枳實 厚朴 芍藥各二兩 大黃四兩 杏仁一兩

右為末蜜丸。梧子大。每用二錢白湯下。

潤腸丸

熟地黄 當歸尾 紅花 桃仁 生地黄 麻仁

已上各一兩 升麻五錢 大黃二兩 甘草一錢

為末蜜丸薑湯下二錢

潤腸湯

當歸 紅花 郁李仁 栝子仁 杏仁 枳殼 黃芩 檳榔 水煎服

治大小便秘結莖中熱痛難忍

生地黄 山梔子 甘草稍 柴胡 黃櫨 木通 車前子 升麻 水煎服

治老人血少便結

桃仁 杏仁 栝子仁 松子仁 郁李子仁

火麻仁 酒煮大黃各等分

共搗爛丸如梧子大空心酒下三錢

掩臍法 治二便不通

連根葱 生薑 豉 鹽

同搗掩臍中以絹札定良久氣透自通如不通再一劑 搜風順氣丸 治老人便秘腸風臟毒治肌表中風熱去

脾胃中積滯

車前子 檳榔 火麻子微炒 牛膝去殼 枳殼 鬼絲

子酒浸搗餅晒乾 郁李仁另研 山藥姜汁炒 防風 獨活 山

茱萸肉

各一兩

大黃

五兩一半生晒一半蒸熟

右為末煉蜜丸如梧子大每服四十九丸空心酒送下

淋門

附夢遺白濁

丹溪曰淋雖有五皆屬於熱宜清熱和水為主亦有房勞過度而淋者宜滋腎氣為主

導赤散

生地黄 木通 甘草稍 加赤茯苓 淡竹葉

熱加黃連 莖中痛加山梔黃柏 水煎服

小蘗湯 治血淋溺血

山梔 生地 木通 小蘗 淡竹葉 甘草稍

滑石 蒲黃 扁栢葉 水煎加車前汁服

阿膠散 治血淋

阿膠炒成 猪苓 澤瀉 赤茯苓 滑石各一錢

車前子 薑片一煎服

益元固真陽 治縱慾強留不泄滲下作淋

人參 茯苓 蓮蕊 巴戟 升麻 益智 黃栢

山藥 澤瀉 甘草稍 水煎服

治遺精小便痛

生熟地各三錢 木通 黃栢 山梔子各一錢半 甘草稍一錢

升麻 水煎空心服

治夢遺白濁

人參 黃芪 甘草 麥冬 赤茯苓 石蓮子

地骨皮 車前 黃芩 燈心 水煎服

治火動夢遺

人參 當歸 生地 遠志 酸棗仁 茯神

甘草 石蓮肉 水煎服

治夢泄

白朮四兩 牡蠣煨一兩

右爲末用猪肚一箇入藥在內以線札定水煮爛搗爲丸如桐子大每用三錢空心清米湯下

治小便秘塞不通

滑石 茯苓 知母 澤瀉 黃栢 水煎服

治腎虛小便秘

六味地黄丸料加知母黃栢山梔木通

汗

自汗屬陽虛

人參 黃芪 白朮 甘草 當歸 浮小麥
水煎服

又內傷自汗

補中益氣湯加麥門浮麥腎虛加知母黃栢

盜汗屬陰虛

生地黃 當歸 黃連 黃栢 黃芩 麻黃節
黃芪 牡蠣 水煎服

又十全大補湯加浮麥麻黃根麥門牡蠣

治表虛盜汗

黃芪 白朮 人參 山藥各一錢 茯苓 陳皮

扁豆 乾薑各六分

水煎溫服心虛加麥冬棗仁

治自汗

麻黃根 牡蠣煨 黃芪蜜炙 各等分浮麥一撮水煎服

治盜汗不止

五倍子炒為末津液調填臍中以絹縛一夜即愈



